

M099: Kremsmünsterer Glaube und Beichte

- 221r,16 Ich gihe dem almahtigen gote.
 221r,17 Vnte miner frowen ſce MaRiEN. Unde minem herren [f̄ce]
 221r,18 PETRE. Vnde allen gotef heiligen. Unde dir briefftere. alle[r]
 221r,19 miner funden. die ih ie getete. oder gefrumete. fwie ih [fi] g[e]frumete.
 221r,20 wiz ente oder unwizente ſlafende oder wachende
 221r,21 danchef oder undanchef oder fwie ih fi ie gefrumete. f[o] [ir]gibe
 221r,22 ih mih hiute ſchuldich aller miner funden. die me[nf]che
 221r,23 gefrumen mac mit gedanchen. mit worten. mit [werchen][.]
 221r,24 Ih gihe dem almahtigen gote. unde allen ſinen heiligen ſwaz
 221r,25 ſo ih ie ubelef getete. daz daz min ſchult waf. ob ih ie [i]eht
 221r,26 g̃vtef getete daz daz din genada waf. Ih gehiez dem [a]/ma[h]tigen
 221r,27 gote. min garwa^ez herze. minen offenen willen. [m]iner
 221r,28 funden mih zeglōbenne [un]^de alfo uerre ze uermide[n]ne. fo
 221r,29 mih ſin genade geſterchet. unde min menniſcheit mir uerhenget.
 221r,30 Ih bite gewegedef unde gedingef miner frowen ſc̄ę Marien.
- 221v,1 minen herren ſc̄m Petrū. unde alle gotef heiligen. daz ſi mir
 221v,2 helfende ſin. daz ih ſo lange gefriſtet werde. unze mih mine
 221v,3 funde rehte geriwen. unde ih ſi rehte geb̃ze. Ih bite alle die
 221v,4 mih hiute hie horende ſint. unde ſehende. fwie ſo mih min tac
 221v,5 gefriſte oder min ende. daz ſi mir def urchunde ſin. an dem
 221v,6 iungeſten tage. daz ih hivte hie erſchinein waren riwen.
 221v,7 unde er rehter erchantnuſſe miner funden.
 221v,8 Ich glōbe an den almahtigen got. der der ſchepfare iſt himelef
 221v,9 under erde. luſtef und wazerf. unde aller der dinge
 221v,10 die dar inne beuangen ſint. Ih glōbe an den uater. unde
 221v,11 an den ſun. unde an den heiligen geiſt. Ih glōbe daz die
 221v,12 dri genennede. ein warer got ſint. der der ie waf an aneenge.
 221v,13 unde iemmer iſt an ende. Ih glōbe daz der ſelbe gotefſun
 221v,14 geborn wart. uon ſc̄ę MaRiEN einer ewigen magede.
 221v,15 Ich glōbe daz er hie en werlte waf. warer got warer menniſche
 221v,16 ane funde. Ih glōbe daz er geuangen wart. daz er
 221v,17 an daz cruce gehangen wart. daz er daran erſtarp. Ich
 221v,18 glōbe daz er zer helle f̃r. unde dar uz loſte die er wolte.
 221v,19 Ich glōbe daz er def tritten tages erſt̃nt. daz er ſit hie
 221v,20 en erde waf uierzech tage unde uierzech naht. Ich glōbe daz
 221v,21 er andem uierzegeſtem tage uf ze himele f̃r. daz er da
 221v,22 fizet zefinef uater zefewen. ime eben here unde eben gewaltich.

221v,23 Ich gelöbe daz er hernah chomen fol. zem iungesten
221v,24 tage. und^e daz ih denne erften fol. an dem selben libe.
221v,25 da ih hiute an er schine. Ich gelöbe daz ih rede geben fol.
221v,26 aller miner werche. unde daz ih erteilet fol werden. ainweder
221v,27 ze dem ewigen libe. oder zem ewigen tode. Ich gelöbe
221v,28 die gemeind^e der heiligen chriftenheit. Ich glöbe
221v,29 antlaz miner funden. ob fi mih riwent. Ich gelöbe den
221v,30 ewigen lip. am̃.